

Na osnovu člana 38. tačka 2. Statuta općine Gornji Vakuf-Uskoplje („Službeni glasnik Općine Gornji Vakuf-Uskoplje“, broj 1/01 i 3/05), stava 4. člana 13. Odluke o sigurnosti prometa na cestama i ulicama Općine Gornji Vakuf-Uskoplje („Službeni glasnik Općine Gornji Vakuf-Uskoplje“, broj:7/19) i člana 89. Poslovnika o radu Općinskog vijeća Gornji Vakuf- Uskoplje („Službeni glasnik Općine Gornji Vakuf-Uskoplje“, broj 7/13), Općinsko vijeće Gornji Vakuf-Uskoplje na svojoj 5.redovnoj sjednici održanoj dana 15.07.2021. godine, d o n i j e l o j e:

O D L U K U

o uspostavi pješačke zone u užem urbanom dijelu naseljenog mjesta Gornji Vakuf-Uskoplje

I – OPĆE ODREDBE

Član 1.

Ovom Odlukom uspostavlja se, privremeno za razdoblje od 20.07.2021.godine do 31.08.2021. godine, Pješačka zona na užem urbanom dijelu naseljenog mjesta Gornji Vakuf-Uskoplje (u daljnjem tekstu: „Pješačka zona“).

Pješačka zona se uvodi u: Ulici Gradska od raskrsnice sa Ulicama Branka Mikulić i Fra Anđela Zvizdovića do križanja sa Ulicama Javić i Hadžijusufovića sokak svakodnevno u vremenu od 19-23 h, za navedeno razdoblje od 20.07.2021.godine do 31.08.2021. godine.

Pješačka zona, u smislu ove Odluke, je područje koje je namijenjeno za kretanje pješaka i u kojoj nije dozvoljeno kretanje vozila osim vozila s posebnom dozvolom.

Pješačku zonu će Služba za lokalni razvoj i stambeno komunalne poslove i Služba za prostorno planiranje, imovinsko pravne poslove i katastar obilježiti neophodnom prometnom signalizacijom prema usvojenom planu i o uvođenju iste upoznati nadležnu Policijsku stanicu i javnost.

II – PROMETOVANJE U PJEŠAČKOJ ZONI

Član 2.

Unutar Pješačke zone smiju prometovati / saobraćati bez odobrenja:

- Vozila hitne pomoći
- Vatrogasna vozila
- Vozila MUP-a
- Vozila istražnog suca
- Vozila koja prevoze umrlu osobu
- Pokretni stolci sa motorom za invalide i nemoćne osobe
- Dječja prijevozna sredstva (dječji bicikl, tricikl, romobil, automobilčić na električni ili nožni pogon i sl.) kojima upravljaju djeca do navršene sedme godine života
- Transportna kolica, ručna kolica, električna kolica i sl.
- Kolica poduzeća za održavanje čistoće
- Specijalna vozila („Pauk“).

Vozila na motorni pogon, električna prijevozna sredstva, priključna vozila i bicikli (u daljnjem tekstu: „Prijevozna sredstva“) koja nisu navedena u stavu 1. ovog člana, smiju prometovati unutar Pješačke zone samo temeljem posebnog odobrenja.

Član 3.

Isto tako bez odobrenja u slučaju hitne i prijeko potrebe Pješačkom zonom mogu prometovati / saobraćati vozila:

- Održavanja čistoće i odvoženja komunalnog otpada,
- Održavanja i izgradnje komunalne infrastrukture i instalacija
- Deratizacije, dezinfekcije i dezinfekcije
- Održavanja električnih i telekomunikacijskih objekata i uređaja
- Stanara-vlasnika vlastitog parkinga i/ili garaže u Pješačkoj zoni
- Stanara slijepe Ulice Manovića sokak (ulaz sa M 16.2 preko Ulice Branka Mikulića i dijela Ulice Gradska, a izlaz Ulicom Park na M 16.2)
- Hitne opravdane intervencije drugih službi.

Ovu hitnu intervenciju i prolaz u Pješačku zonu će radnici Policijske stanice evidentirati, a izvršilac mora istu opravdati, te priložiti odgovarajući izvještaj o izvršenoj hitnoj intervenciji ili opravdan razlog ulaza/izlaza u/iz Pješačke zone, te u slučaju ne dostavljanja odgovarajućeg opravdanja odnosno iznalaženja opravdanja po Policijskoj Službenoj dužnosti-suradnji sa općinom, Mjesnom Zajednicom i sl. (npr. stanar Ulica pješačke zone koji se radi prilaza svom objektu-parkingu morao neodložno kretati za vrijeme trajanja pješačke zone) Policija protiv istog poduzima odgovarajuće mjere shodno ovoj Odluci i drugim Zakonskim propisima.

Radnici Policije trebaju posebno biti obazrivi prema stanarima dijela Ulice Gradska i okolnih ulica koje nemaju izlaz osim Ulicom Gradska kao Manovića sokak (slijepa ulica), te stanara jednosmjernih ulica (Riđžalev sokak. Park i Preporodova) koji će u slučaju prijeko potrebe moći uz vlastitu odgovornost, veliki oprez i međusobnu solidarnost iste koristiti za ulaz i izlaz do/od svojih objekata, te im u slučaju evidentiranja kršenja propisa iz ove Odluke treba dati maksimalno moguće vrijeme i biti tolerantan za dokaz stanara o opravdanom ulazu/izlazu u/iz Pješačke zone.

Stanar navedenih ulica može Policijskoj stanici pozivom najaviti i /ili naknadno opravdati neodložan i neophodan ulaz/izlaz u/iz Pješačke zone, kao i po potrebi općini Gornji Vakuf-Uskoplje.

Član 4.

Prometovanje /saobraćanje prijevoznim sredstvima u svrhu najbližeg prilaza Pješačkoj zoni odobrit će se za potrebe dostavnih vozila pravnih i fizičkih lica, obrtnika koja vrše dostavu posebnim Rješenjem-odobrenjem na njihov pismeni zahtjev (kao caffeji, barovi, restorani, pizzerija, fast food i sl.), u najbližoj ulici do predmetnog objekta.

Pravnim i fizičkim osobama, u drugim dokazano opravdanim slučajevima, odobrit će se prometovanje /saobraćanje, parkiranje i sl. unutar Pješačke zone na pismeni zahtjev i uz predočenje dokaza, izdavanjem odobrenja shodno situaciji i uz iznalaženje najprikladnijeg rješenja.

Član 5.

Ulaz/izlaz vozila u/iz Pješačke zone odobrit će se posebnim Rješenjem na pismeni zahtjev, koji bi podnositelj trebao podnijeti općini Gornji Vakuf-Uskoplje najmanje 3 dana prije planiranog prometovanja/saobraćanja radi:

- Dopreme robe za opskrbu prodavaonica, ugostiteljskih objekata, hotela, domova, samostana i kućanstava, te selidba
- Dopreme plina i ogrijeva
- Servisiranja aparata, kućanskih uređaja,
- Prijevoza građevinskog materijala te odvoza građevinskog otpada,
- Prijevoza novca i drugih vrijednosti
- Prijevoza poštanskih pošiljki,
- Prijevoza opreme radi održavanja priredbi, izložbi, kulturno-zabavnih i sportskih manifestacija
- Prijevoza teških invalida i bolesnih osoba,
- Raznih drugih opravdanih slučajeva po odobrenju Općinskog načelnika i/ili općinske Službe nadležne za poslove prometa/saobraćaja.

Član 6.

Najveća dopuštena brzina u Pješačkoj zoni ograničena je na brzinu pješačkog hoda.

Vozači vozila u Pješačkoj zoni moraju prigodom vožnje, dati prednost pješacima i, prema potrebi, zaustaviti vozilo.

U pješačkoj zoni za vrijeme trajanja iste zabranjeno je i zaustavljanje i parkiranje na javnim parkiralištima, tako da vozači-vlasnici vozila početkom vremena Pješačke zone (od 19-23 sati u periodu od 20.07.-31.08.2021 godine) ne mogu parkirati vozila na obilježenim javnim parkiralištima u Ulici Gradska bez posebnog odobrenja Općinskog načelnika i/ili općinske Službe nadležne za poslove prometa/saobraćaja i iste trebaju svojim vozilima napustiti.

Član 7.

Za vrijeme prometovanja vozači vozila iz člana 4. i 5. Ove Odluke moraju imati kod sebe odobrenje za prometovanje i dužni su ga pokazati na zahtjev ovlaštene osobe, odnosno dužni su isto imati istaknuto na vidljivom mjestu u vozilu.

Po prestanku potrebe navedene u odobrenju iz člana 7. ove Odluke, mora se napustiti pješačka zona bez obzira je li vrijeme odobrenja isteklo.

Nadležna Policijska stanica Gornji Vakuf-Uskoplje vodi evidenciju o napravljenim prekršajima i o tome izvještava Općinskog načelnika i tijelo općinske uprave nadležno za poslove prometa.

U slučajevima zloupotrebe danog odobrenja ili nepridržavanja odredbi ove Odluke, Općinski načelnik i tijelo općinske uprave nadležno za poslove prometa može uskratiti ponovno izdavanje odobrenja odnosno ukinuti postojeće odobrenje.

Član 8.

Odobrenja izdana vlasnicima ili korisnicima vozila od strane Općinskog načelnika i/ili općinske Službe nadležne za poslove prometa/saobraćaja temeljem ove Odluke su privremena i vrijede do isteka važenja izdanih odobrenja.

III – NADZOR

Član 9.

Nadzor nad provedbom ove Odluke provodit će nadležna Policijska stanica Gornji Vakuf-Uskoplje, a sukladno važećem Zakonu o osnovama sigurnosti prometa na cestama u BiH, te uz pomoć drugih zakonski opravdanih sredstava (video nadzor i sl.).

IV – KAZNE NE ODREDBE

Član 10.

Novčanom kaznom kaznit će se za prekršaj pravna osoba u iznosu od 200,00 KM, te fizička osoba obrtnik i osoba koja obavlja drugu samostalnu djelatnost u iznosu od 100,00 KM, ako:

- Naredi ili dopusti vozaču obavljanje prometa bez hitne i prijekne potrebe ili valjanog opravdanja (čl.3. ove Odluke),
- Naredi ili dopusti vozaču obavljanje prometa bez odobrenja Općinskog načelnika i/ili općinske Službe nadležne za poslove prometa/saobraćaja (čl.7.st.1. ove Odluke).

Novčanom kaznom u iznosu od 100,00 KM, kaznit će se odgovorna osoba u pravnoj osobi za prekršaje iz stava 1. ovog člana.

Novčanom kaznom u iznosu od 50,00 KM kaznit će se za prekršaj fizička osoba:

- Vozač koji obavlja promet bez hitne i prijekne potrebe ili valjanog opravdanja (čl.3. ove Odluke),
- Vozač koji ne poštuje ograničenje brzine vozila i/ili ne da prednosti pješaku (čl.6. st. 1. i 2. ove Odluke)
- Vozač koji vrši promet vozilom bez odobrenja Općinskog načelnika i/ili općinske Službe nadležne za poslove prometa/saobraćaja (čl.7.st.1. ove Odluke).

Novčanom kaznom u iznosu od 30,00 KM kaznit će se za prekršaj fizička osoba:

- -Vozač koji bez opravdanja, najave i/ili hitne prijekne potrebe/intervencije prometuje vozilom kroz pješačku zonu (čl.3. ove Odluke)
- Vozač-vlasnik koji ne napusti javna parkirališta u Pješačkoj zoni sa početkom iste ili zaustavi i parkira vozilo na javnim parkiralištima za vrijeme trajanja Pješačke zone bez odobrenja (čl.6. st. 3. ove Odluke).

V – PRIJELAZNE I ZAVRŠNE ODREDBE

Član 11.

Ova Odluka stupa na snagu narednog dana od dana objave u „Službenom glasniku općine Gornji Vakuf-Uskoplje“

Broj: 01- ____/21
Gornji Vakuf-Uskoplje,
15.07.2021. godine

Predsjednik
Općinskog vijeća
Goran Batinić, mag. nov.